

He whānui ngā ratonga kei te whakaratohia e te Kaunihera Tāone Nui o Awakairangi ki ngā tāngata kei reira e noho ana. Whakaratohia ai he whare pukapuka, he kauranga, he pārae mō te katoa, he papa tākaro, he whare pupuri taonga, he kāinga mō ngā kaumātua, he tūranga motokā, me tētahi whare whakairi toi e mōhiotia ana e te motu.

Kohia ai, whakawāteatia atu ai hoki e mātou te para, hangaia ai, tiakitia ai ngā huarahi o te rohe, ūruhitia ai hoki ngā ture whakahaere kararehe.

Ko ngā pūtea a te Kaunihera mō ngā ratonga nei nō ngā tāke kaunihera e utua ana e te hunga whai rawa whenua.

Whakahaerea ai hoki e te Kaunihera he kaupapa hoatu pūtea hei tautoko whare hapori, me te Tari Tohutohu Kirirarau (Citizens Advice Bureau). Whakahaerea ai anō hoki e mātou he pūtea tahua ā-rohe, me te Tahua a Toi Aotearoa mō ngā Hapori Wairua Auaha (Creative New Zealand Creative Communities Fund).

Whakarato ai e tēnei pukaiti he pārongo mō ētahi o ngā ratonga nei.

Ka taea anō e koe te peka mai ki te Pokapū Ratonga Kiritaki (Customer Service Centre), i te Whare Kaunihera i 30 Huarahi o Laings, i Awakairangi, te toro atu rānei i tētahi o ō mātou whare pukapuka, pokapū ratonga hoki/tētahi rānei o ēnei. (Kei te wāhanga 'Whare Pukapuka' o tēnei pukaiti ngā taipitopito mō te whakapā mai.)

Ngā Rārangi Take

Te Kahika me ngā Mema Kaunihera	2
Te Hangarua me te Para	3
Ngā Kurī	5
Te Hākinakina me te Whakatā	6
Ngā Kauranga	7
Ngā Whare Pukapuka o Awakairangi Tāone Nui	8
Te Ahurea me te Wairua Auaha	9
Ngā Papa Tākaro	10
Ngā Ara me ngā Ara Hīkoi	11
Ngā Whakaaetanga Hanga Whare me te Whakatakoto Mahere ā-Rohe	12
Ngā Tono Whakatika	13

Te Kahika me ngā Mema Kaunihera

Te Kahika

David Ogden CA JP (OCOF)

Waea mahi: 570 6932

Waea whakaahua: 566 7027

Karere hiko: david.ogden@huttcity.govt.nz

Rohe Waenganui (Central Ward)

Mema Kaunihera D (Deborah) Hislop (CV)

Waea tūmataiti: 567 0567

Waea whakaahua tūmataiti: 567 0513

Waea pūkoro: 027 457 0567

Karere hiko: deborah.hislop@huttcity.govt.nz

Mema Kaunihera C (Christopher) Milne (OCOF)

Waea mahi: 586 3890

Waea pūkoro: 027 442 2708

Karere hiko:

christopher.milne@huttcity.govt.nz

Rohe Rāwhiti (Eastern Ward)

Mema Kaunihera G (Glenda) Barratt (CV)

Waea tūmataiti: 976 8500

Waea mahi: 570 6858 ki te hau rua o te 11 i te ata anake

(kāore i te Tāite)

Waea whakaahua tūmataiti: 976 8544

Waea pūkoro: 021 128 9377

Karere hiko: glenda.barratt@huttcity.govt.nz

Mema Kaunihera RW (Roger) Styles (OCOF)

Waea tūmataiti: 934 3270

Waea whakaahua tūmataiti: 934 3271

Waea pūkoro: 027 480 0072

Karere hiko: roger.styles@huttcity.govt.nz

Rohe Kokoru (Harbour Ward)

Mema Kaunihera JMK (Joy) Baird JP (I)

Waea tūmataiti: 568 3225

Waea mahi: 918 7838

Waea whakaahua tūmataiti: 569 3350

Karere hiko: joy.baird@huttcity.govt.nz

Mema Kaunihera VR (Ross) Jamieson JP (I)

Waea tūmataiti: 562 7231

Waea whakaahua tūmataiti: 562 7231

Waea pūkoro: 027 442 7319

Karere hiko: ross.jamieson@huttcity.govt.nz

Rohe Tokerau (Northern Ward)

Mema Kaunihera A (Angus) Finlayson JP (CV)

Waea tūmataiti: 566 5046

Waea whakaahua tūmataiti: 566 2082

Waea pūkoro: 027 445 3035

Karere hiko:

angus.finlayson@huttcity.govt.nz

Mema Kaunihera J (Julie) Englebretsen (H)

Waea tūmataiti: 563 5179

Waea mahi: 920 9824

Waea whakaahua mahi: 920 9825

Karere hiko:

julie.englebretsen@huttcity.govt.nz

Rohe o Wainuiōmata (Wainuiōmata Ward)

Mema Kaunihera T (Tracey) Pollard (I)

Waea tūmataiti: 564 3021

Karere hiko: tracey.pollard@huttcity.govt.nz

Mema Kaunihera WR (Ray) Wallace JP (I)

Waea tūmataiti: 970 5337

Waea mahi: 027 226 4046

Waea whakaahua tūmataiti: 970 5337

Waea pūkoro: 027 226 4046

Karere hiko: ray.wallace@huttcity.govt.nz

Rohe Hauāuru (Western Ward)

Mema Kaunihera MJ (Margaret) Cousins JP (I)

Waea tūmataiti: 586 2135

Waea whakaahua tūmataiti: 586 1046

Karere hiko:

margaret.cousins@huttcity.govt.nz

(I) Independent, (H) Hutt 20/20

(CV) City Vision– Te Kapa o Terris

(OCOF) Our City, Our Future

Te Hangarua me te Para

Te Hangarua

Ka taea te nuinga o ngā para o tō whare pērā i ngā kēne tini, konumohe hoki, ngā karāhe, ngā pepa, ngā pepa mārō, me te kirihōu te hangaruatia. Ka taea ēnei mea te hangaruatia i ngā taupuni hangarua o te hapori, te hangaruatia rānei ia wiki e tētahi ratonga hangarua pae-ara. Mō ētahi atu kōrero e whakaatu ana he aha ake ngā tino mea ka taea te hangaruatia, tirohia te huringa hangarua a te Kaunihera.

Whakahaeretia ai te kohinga hangarua pae-ara i te rā anō e kohia ai ō para. Me waiho e koe ō mea hangarua i te pae-ara i mua mai i te hau rua o te 7 i te ata. Tērā pea mō te hangarua pae-ara, ka hiahiatia e koe he paepae kākārīki. Ka taea ngā paepae te hoko mai i te Pokapū Ratonga Kiritaki o tō rohe mō te \$10.00. Tua atu i te waiho ki roto paepae, ka āhei koe ki te waiho i ō mea hangarua i te pae-arai rō kopa kirihōu.

Nōtemea he kaha te pupuhi o te hau i ētahi wāhi o te Tāone Nui o Awakairangi, me puru koa ngā mea hangarua āhua māmā noa ki rō kopa hokomaha, kātahi ka herea. Mā te pēneitia e kore ai e pūhia haerea e te hau i roto i te takiwā o ō kiri tata.

Kei Kelson, kei Korokoro, kei Naenae, kei Wainuiōmata, me Waterloo ngā taupuni hangarua, ā, kei ngā whakakīnga whenua anō hoki. He pai ngā whakakīnga whenua nei mō ngā mea hangarua rahi rawa atu te nui.

Te Kohinga Para

Kotahi te wā i te wiki e kohia ai te para i te pae-ara. Ko ngā tino pēke para ake a te Kaunihera o te Tāone Nui o Awakairangi, ngā pēke para anake ka kohia. Ka taea ēnei te hokona mai i ngā momo wāhi hoko tae atu ki ngā hokomaha, ngā toa hoko miraka me ngā Pokapū Ratonga Kiritaki a te Kaunihera. Me waiho koa ō para i te pae-ara i mua mai i te hau rua o te 7 i te ata o te rā kohinga.

Ngā Whakakīnga-whenua/Putunga Para

Ko ngā para, ko ngā moumounga kai rānei kāore e taea e te ratonga kohinga pae-ara te mau atu, me hari ki tētahi o ngā whakakīnga-whenua e rua a te Kaunihera, i Silverstream, i Wainuiōmata, ki reira maka atu ai.

Puare ai ngā whakakīnga-whenua i ngā rā katoa o te tau, engari anake i te Rā Kirihimete, i te Rā Tuatahi o te Tau Hōu, ā, me te Paraire o te Aranga.

Mō ētahi pārongo e pā ana ki ngā hāora puare me ngā utu, waea atu ki:

Te Whakakīnga-whenua o Silverstream: **563 6155**

Te Whakakīnga-whenua o Wainuiōmata: **564 2457**

Te Whakaparahanga

Ka karukaru, ka mate te hauora, ā, ka kino hoki te taiao ki te waiho parahanga, para rānei ki konā takoto haere noa ana i tō tātou tāone nui. He mahi hara i raro i te ture te whakaparahanga, te waiho para noa rānei i ngā wāhi mō te katoa, ki runga whenua tūmataiti rānei me te kore whiwhi i te whakaae o te rangatira. Ka uru ki tēnei ngā parenga, ngā onepū, ngā huarahi o te tuawhenua, ngā manga, me ngā tekiana kore whare. He whati hoki i te ture te waiho noa i ngā para o te kāinga ki roto ipu parahanga, ki roto ranei i ngā paepae parapākihi.

Mō ngā parahanga whakamōrearea, whakaputa mate urutā rānei, ka taea tonu koe te whainatia piki atu ki te \$750, te raua rānei ki roto whare herehere mō te kotahi marama. Ka taea rawa ngā Kamupene te whainatia piki atu ki te \$5000 rā anō.

Ki te hiahia koe ki te ako i ētahi atu kōrero mō te whakaheketanga i te para, mō te maka atu para i roto ake i te Tāone Nui o Awakairangi, haere ki te toro i te pae tukutuku para a te Kaunihera i **www.sam.org.nz**, waea rānei i te nama waea **570 6666** a te Kaunihera.

Ngā Kurī

Me noho rēhita rawa ngā kurī katoa i te Tāone Nui o Awakairangi.

Me oti rawa hoki te rēhitatanga o te kurī mā te 31 o Hōngongoi ia tau.

Tērā pea, ka mauherea ngā kurī 'kore rēhitatia' i mau i a ngā āpiha whakahaere kurī e haereere noa ana, ā, ka riro māu te rēhitatanga o te kurī me te whakaherenga e utu i te wā e tiki atu ana koe i tō kurī.

Kei te wātea ētahi hekenga utu ki te oti rawa i a koe tētahi o ēnei e whai ake nei:

- Te poka i tō kurī, i ōna kiato kākano rānei
- Te whiwhi i te mana Rangatira Kurī Haepapa mua atu i te 31 o Haratua o te tau rēhitatanga (whakapā atu ki te Kaunihera mō ngā taipitopito e whakaatu ana me ahatia tēnei)

Whakamaua koa he here ki tō kuri i ngā wā katoa kei tētahi wāhi koe mō te katoa (ko te aweretanga anake ki tēnei ture mehemea kei tētahi wāhi koe kua tautapaina hei wāhi whakakori kurī engari, me noho tonu tō kurī ki raro i 'ō whakahaere')

He huhua tonu ngā wāhi e whakaratohia ai e te Kaunihera mō te whakakori i tō kuri. Kia mahara koa mai, ka taka te mahi neke atu i ngā tūtae o tana kurī i ngā wāhi whakakori kurī, i ngā wāhi mō te katoa ki te rangatira o te kurī.

Mō ētahi atu pārongo me waea koa mai ki te Kaunihera i runga i te nama waea **570 6666**, ā, ka tono mō tā mātou Pukapuka Tohutohu i ngā Rangatira o te Kurī.

Te Hākinakina me te Whakatā

Kei a Leisure Active, he Wāhanga Pakihi o te Kaunihera, te mahi ki te whakahaere i ngā kauranga o te tāone nui me te whakarato tikanga kia whai wāhi te hākinakina me te whakatā ki te tāone nui.

E rua ngā kapa a Leisure Active, arā:

- ko Recreation Plus
- ko Swim City

E whā ngā wāhi whānui e kapi ai i ngā ratonga a **Recreation Plus**: ko te whakahaere tauwhāinga, ko te whai wāhi mō ngā taipakeke ki te hākinakina, ko ngā hōtaka hararei a ngā tamariki, ko tētahi hōtaka kaiārahitanga taiohi. Whakawhiwhi tautoko ai hoki e pā ana ki ngā hōtaka me nga tauwhāinga hākinakina ki ngā rōpūme ngā tāngata takitahi o te hapori.

Whakahaeretia ai ngā kauranga e ono o te Tāone Nui o Awakairangi me ā rātou mahi rōwai i raro i te ingoa o **Swim City**. Ka uru atu ki tenei te Swim City Swim School i whiwhi nei i a ia he tohu.

Whakaputaina ai e te Kaunihera he tānga ā-koata tau, ko Leisure Times te ingoa, ā, he taipitopito kōrero kei roto mō ngā hōtaka maha kei te wātea mai, tae atu ki ngā akomanga Learn to Swim e whakahaeretia ana e Swim City, ā, me ngā hōtaka mō te hararei o te kura e whakahaeretia ana e Recreation Plus.

Kei te Kauranga o Naenae i te pito whakararo i Everest Avenue, Naenae a **Leisure Active me Recreation Plus**. Ko ngā hāora o te Tari – atu i te Mane ki te Paraire (hāunga ngā hararei tūmatanui), ko te 8 i te ata ki 5 i te ahiahi. Nama waea: **577 8099**
karere hiko: leisureactive@huttcity.govt.nz

Kei te Kauranga o Huia i Te Ara o Huia, i Awakairangi a **Swim City Swim School**. Ko ngā haora o te Tari – atu i te Mane ki te Paraire (hāunga ngā hararei tūmatanui), ko te 8 i te ata ki 5 i te ahiahi.

Nama waea: **567 0043** karere hiko: leisureactive@huttcity.govt.nz

Ngā Kauranga

E ono ngā kauranga a te Tāone Nui o Awakairangi – e toru kei rō
whare ka puare mō te katoa o te tau, e toru kei waho, ka
puare i ngā marama o te raumati.

Ka kitea ēnei ki:

- **Stokes Valley**
Te Ara o Bower, Stokes Valley waea: **562 9030**
- **Te Kauranga o Huia**
Te Ara o Huia, Awakairangi waea: **570 6655**
- **Te Kauranga o Naenae**
Te Ara o Everest, Naenae waea: **567 5043**
- **Te Kauranga Ō-Waho o Eastbourne**
Marine Parade, Eastbourne waea: **570 6655** (mua mai o waenga Whiringa-ā-rangi)
waea: **562 7582** (whai atu i waenga Whiringa-ā-rangi)
- **Te Kauranga Ō-Waho o McKenzie**
Te Ara o Udy, Pito-one waea: **570 6655** (mua mai o waenga Whiringa-ā-rangi)
waea: **568 6563** (whai atu i waenga Whiringa-ā-rangi)
- **Te Kauranga Ō-Waho o Wainuiōmata**
Te Ara o Moohan, Wainuiōmata waea: **564 8780** (atu i Whiringa-ā-rangi ki Poutū-te-rangi anake)

Mō ngā hāora e puare ana, me waea atu ki te kauranga, me toro rānei i te pae tukutuku
www.huttcity.info

Ngā Whare Pukapuka o te Tāone Nui o Awakairangi

Whakarato ai ngā Whare Pukapuka o te Tāone Nui o Awakairangi i ngā rauemi pukapuka mō te katoa, ngā ratonga, ngā hōtaka me ngā whakaurunga mō ngā tāngata i ngā wāhi e waru huri noa i te Tāone Nui o Awakairangi. Ko tō mātou whāinga whānui ki te whakapai ake i te pūtake mātauranga e wātea atu ana ki aua tāngata. Ka taea e ngā tāngata me ngā kaiutu take kaunihera o te Tāone Nui o Awakairangi te rēhita kia kaha ai te tono pukapuka me te kore utu i ngā whare pukapuka. Mō ngā tamariki kāore anō ngā tau kia eke ki te 16, ka hiahia he mātua, he kaitiaki rānei hei kaiwhakatūturu.

He whai taonga ngā ratonga a ngā whare pukapuka o te Tāone Nui o Awakairangi, tae atu ke ēnei e whai ake nei, arā:

- Te tono pukapuka, maheni, kōpaepae, rīpene ataata, ā, ki te whakaraparapa nūpepa
- Te whakapapa
- Te hītori o te rohe
- Ngā hōtaka hararei a ngā tamariki
- Ngā wā kōrero pūrākau a ngā kōhungahunga

Ngā nama waea whakapā me ngā haora puare o te whare pukapuka i:

Te Whare Pukapuka Ō-Waenganui waea: 570 6633

Atu i te Mane ki te Paraire haurua o te 9 i te ata ki te haurua o te 8 i te ahiahi
I te Rāhoroi 10 i te ata ki te 5 i te ahiahi
I te Rātapu 1 i te ahiahi ki te 5 i te ahiahi

Eastbourne waea: 562 8042

Atu i te Mane ki te Tāite haurua o te 9 i te ata ki te haurua o te 5 i te ahiahi
I te Paraire haurua i te 9 i te ata ki te 7 i te ahiahi
I te Rāhoroi haurua i te 9 i te ata ki te 1 i te ahiahi

Moerā waea: 568 4720

Atu i te Mane ki te Paraire haurua o te 9 i te ata ki te 5 i te ahiahi
I te Rāhoroi 10 i te ata ki te 12 i te ahiahi

Naenae waea: 567 2859

Atu i te Mane ki te Paraire haurua o te 9 i te ata ki te haurua o te 5 i te ahiahi
I te Rāhoroi 10 i te ata ki te 2 i te ahiahi

Pito-one waea: 568 6253

Atu i te Mane ki te Tūrei, Atu i te Tāite ki te Paraire haurua o te 9 i te ata ki te haurua o te 5 i te ahiahi
I te Wenerei haurua o te 9 i te ata ki te 8 i te ahiahi
I te Rāhoroi 10 i te ata ki te 2 i te ahiahi

Stokes Valley waea: 562 9050

Atu i te Mane ki te Tāite haurua o te 9 i te ata ki te haurua o te 5 i te ahiahi
I te Paraire atu i te haurua o te 9 i te ata ki te 8 i te ahiahi
I te Rāhoroi 10 i te ata ki te 1 i te ahiahi

Taitā waea: 567 2767

Atu i te Mane ki te Paraire haurua o te 9 i te ata ki te 5 i te ahiahi
I te Rāhoroi 10 i te ata ki te 12 i te ahiahi

Wainuiōmata waea: 564 5822

Atu i te Mane ki te Paraire haurua o te 9 i te ata ki te 7 i te ahiahi
I te Rāhoroi 10 i te ata ki te 2 i te ahiahi

Te Ahurea me te Wairua Auaha

Whakarato ai a Te Dowse me te Pētone Settlers Museum i ngā whakaaturanga, hōtaka, rauemi me ngā ratonga mātauranga i ngā whakaurunga wehe e rua.

Ko Te Dowse

He ingoa pai tō Te Dowse huri noa te ao mō te toi auaha whakairi me ngā wheako ahurea. He rite tonu tāna whakarerekē i te ranu o ngā whakaaturanga wanawana, atu i te hip hop ki te toi whakairi teitei, atu i te tārai uku ki te hoahoatanga, atu i te pūwerutanga ki te whakahauoratanga. E kore koe e mōhio he aha kei te puta mai, engari ka mōhio tonu koe he mea whakangahau he mea taki anō hoki tō toronga atu. Hei kāinga anō Te Dowse ki tētahi toa whai hoahoatanga ahurei, ki tētahi whare kai tino pai hoki.

Mō ētahi atu pārongo e pā ana ki ngā whakaaturanga me ngā tauwhāinga o te wā nei, me whakapā atu ki:

Te Dowse: Te Ara o Laings, i Awakairangi

Me waea atu ki **04 570 6500**, me haere rānei ki **www.dowse.org.nz**

Te Whare Whakaaro o Pito-one

Whakarato ai Te Whare Whakaaro o Pito-one he mataaho ki te hītori o ngā tāngata o Pito-one me Awakairangi, ā, whakakite ai i ngā paki e pā ana ki te hekenga me te nohanga a ngā hapori ahurea maha o Awakairangi me te Rohe o Te Whanganui-a-Tara. Whakarato ai Te Whare Whakaaro i ngā whakaaturanga e pā ana ki te hītori o te tikanga ā-iwi i te nuinga o te wā, ka mahi ngātahi i te taha o te hapori; ngā ratonga mātauranga me outreach; me te whakarato wāhi ki te rangahau i ngā hītori o te whānau mā te whakamahi pātengi raraunga motuhake.

Whakarato ai ngā whakaurunga e rua i te whānuitanga whānui o ngā hōtaka whakaako ā-ringa mō ngā reanga katoa.

Mō ētahi atu pārongo e pā ana ki ngā whakaaturanga me ngā tauwhāinga o te wā nei me whakapā atu ki a:

Pito-one Settlers Museum: i te Esplanade, i Pito-one

Me waea atu ki **04 568 8373**, me haere rānei ki **www.petonesettlers.org.nz**

Ngā Papa Tākaro

Whakarato ai te Kaunihera i ngā papa tākaro 55 mō te katoa puta noa i te Tāone Nui o Awakairangi. Whakatairanga ai mātou i te whai wāhitanga o te hāpori ki ngā papa tākaro o te rohe mā te hoatu i te kōrero ki a rātou ki te kī mai he aha te momo taputapu tākaro mō ngā whenua rāhui tata atu ki ō rātou kāinga. Kei a mātou ētahi papa tākaro tino hōu rawa, tino auaha hoki o te rohe.

Nā ngā whanaketanga nunui o te papa tākaro i ngā pārae ūnga e āta kitea ai te ahurei o ngā taputapu tākaro ki ērā i ngā whenua rāhui tata atu ki a rātou, ā, he painga rawa te whakapau kaha ki te toro atu.

He painga rawa te toro i ngā papa tākaro e whai ake nei, arā:

- **Te Pārae o Avalon** – He papa tākaro whānui mō ngā reanga katoa. Kei konei he wāhi kua taiapatia mō ngā kōhungahunga i te taha tonu o te tauira rerewhenua, te wāhi whakaterere waka/punawai pāpera – me mātakina koatia ō tamariki i tēnei wāhi. Mō ngā taiohi, ō ngā taputapu tākaro ahurei mō rātou, ko tētahi e karangatia ana, ko te 'wild rider' (kaieke māka), arā, he eke rerewhenua koru, ko tētahi taura rere 40 mita te roa, ā, ko ngā whakaurunga papa reti hoki hoki. He wāhi tino pai te Pārae o Avalon mō te pikiniki, me te hāereere i roto i ngā rākau nui.
- **Te Whenua Rāhui o Hīkoikoi – I te pito rāwhiti o te Takutai o Pito-one (arā, Te Esplanade).**
He papa tākaro tēnei mō ngā kōhungahunga, ā, ko tōna āhua he rite ki te kaupuke. I tua tonu atu ko tētahi tauira rerewhenua. Mauria he pikiniki me te pārekareka atuki te onepū i tua atu tonu.
- **Te Whenua Rāhui o Parkway** – Ko ngā taura rere e rua e 60 mita rawa te roa me tētahi papa tākaro rahi me ngā hanga tūwatawata ngā mea whakamenemene o tēnei Whenua Rāhui. Kua katia paitia mai te wāhi tākaro mō ngā kōhungahunga i te huarahi mā tētahi taiapa.
- **Te Pārae o Speldhurst me te Huarahi o Wagon – i Stokes Valley.**
Kei te Huarahi o Wagon te papa tākaro tuatahi o te motu i whanaketia ki te paerewa hōu mō ngā papa tākaro i Aotearoa waihoki, he ara rōnaki papa reti, me ētahi atu taputapu takitahi tiketike atu mō ngā tamariki pakeke a Speldhurst.

Āta tirohia ai ngā Papa Tākaro katoa a te Kaunihera o te Tāone Nui o Awakairangi ia rua wiki kia āta kitea ai mehemea kei te ū tonu ki ngā paerewa o te papa tākaro me ērā hoki o te Hauora me te Haumaru. Mehemea he pātai āu e pā ana ki ngā papa tākaro i tōu rohe, me whakapā mai ki tā mātou Kaiwhakahaere Papa Tākaro i runga i te nama waea **570 6844**, tangohia atu hei tā mātou pae tukutuku he mahere o ō mātou 'papa hākinakina, kauranga, pārae me ngā papa tākaro'. Tikina he mapi i te whare matua o te Kaunihera, i tētahi rānei o ō mātou whare pukapuka.

Ngā Ara me ngā Ara Hīkoi

Neke atu i te 50 ngā ara me ngā ara hīkoi a te Tāone Nui o Awakairangi mō te hunga tino hīkaka puta atu ki taua hunga e hiahia noa ana ki te 'hāereere noa i te Rātapu.' Ko ētahi o ngā ara, he rawe rawa atu ngā tirohanga, ko ētahi anō kōpikopiko hū noa mā roto puihi, ā, he maha anō, ka taea te mau atu i a kōe ki ētahi o ngā wāhi takutai ātaahua rawa atu o te tāone nui. Arā atu anō ngā ara ka taea te whakamahi e te hunga eke pahikara maunga tae atu hoki ki te hunga eke hōiho pakeke, hōiho punua hoki. Ka taea te maukurī ki runga i te nuinga o ngā ara engari koa, me mau tō kurī i ngā katoa ki te taura, hāunga anake i aua wāhi kua tautapaina he wāhi whakakori kurī.

Me mau kākahu tika i ngā wā katoa, ā, me kaha te whakatūpatō i a koe mō ngā āhuatanga katoa o tawhirimatea, ahakoa aha. He tino kaha rawa te pupuhi o te hau i ngā wāhi māraakerake, ā, he tere te āhua o te rangi ki te huri. Inā mākū te ara, ka māniana. Waiho he tohutohu ki tētahi tangata e mea ana kei te haere koe ki hea, ā, a nahea koe hoki mai ai.

Mō ētahi atu pārongo, me whakapā atu ki te Kaiwhakahaere Rawa Rāhuitanga i runga i te nama waea 570 6774, me toro rānei i tā mātou pae tukutuku www.huttcity.info.

Whakarato ai te puka whakamārama, 'Ngā Ara me ngā Ara Hīkoi' a te Kaunihera i te pārongo e whakaatu ana he pēhea te roa o te wā e takahia ai ia ara hīkoi, he aha te kaha, te iti ranei o te uauatanga o te ara hīkoi, ā, he whakatakitaki poto mō ngā mea hei whakaaro māu e pā ana ki aua ara.

Ngā Whakaaetanga Hanga Whare me te Whakatakoto Mahere ā-Rohe

Ngā Whakaaetanga Hanga Whare

Mehemea kei te whakaaro koe ki te hanga, ki te whakatāpiri, ki te whakarerekē rānei i tētahi whare, nā, kua hiahiatia e koe tētahi whakaaetanga hanga whare.

E rua ngā wāhanga o te tukanga whakaaetanga hanga whare. Ko te wāhanga tuatahi, ko te tiki i te whakaaetanga a te Kaunihera mō ōu mahere. Ko te wāhanga tuarua, ko te whakahaere a te Kaunihera i te whānui o ngā mātakitanga i te wā e haere ana, e mahia ana te kaupapa. Kāore ngā mahi a ngā āpiha o te Kaunihera i pērā ki ngā mahi a ngā kaiwhakahaere o te kaupapa engari, he whakarite kē mehemea kei te ū ngā mahi ki te Tikanga Hanga Whare o Aotearoa.

Ina oti ana te whakatūranga, ā, ka whakatūturutia ana i ū tō kaupapa ki ngā whakaritenga o te Tikanga Hanga Whare, nā, kua whakaputaina he Tiwhikete Whakaūtanga Tikanga.

Mō ngā taipitopito kōrero e pā ana ki ngā mahere, ngā whakatakotoranga tuhinga me ngā utu e tika ana, me whakapā mai koe ki te Kapa Tuku Whakaae a te Kaunihera mā te waea i te nama **570 6666**.

Te Whakatakoto Mahere ā-Rohe

Whakareritia ai, ā, whakahaeretia ai e te Kaunihera tētahi Mahere ā-Rohe. Whakatakoto ai te Mahere nei i te pou tarāwaho mō te momo mahi ka taea te kawē i ngā wāhi o te whenua e whakawhiti noa ana i te tāone nuitērā pea ka whakaawe i tētahi kaupapa hanga whare, whakamahi rānei i te whenua. Hei tauira, ka taea te whenua te whakamahi hei mea e whakatū whare noho, mō ngā tūmomo ahumahi, mō ētahi atu momo rānei.

Titirohia te Rohe Mahi kia mōhio ai koe ki tēhea wāhi tō whenua taka ai. Kimihia te tohutohu i ngā Kapa Tuku Whakaae i te mea, ka taea koe e rātou te āwhinaki te whakatau mehemea tō kaupapa he 'mahī ka whakaaetia'.

Mehemea mō tētahi take anō, kāore ngā whakatakotoranga mahere e tika ana e tautukua e koe, me tino rapua e koe te Whakaaetanga Rawa. He whakaaetanga motuhake tēnei mō te whakamahi whenua.

Tērā pea, ko tō tiki whakaaetanga ā-tuhituhi tēnei mai i ō hoa noho tata, mai i ētahi atu rānei tērā pea ka whakaawetia, ā, i ētahi atu wā me whakaputaina te tono kia mōhio ai te katoa. Tērā pea ka hiahiatia he whakawātanga a te Kaunihera, ā, ki te tukua atu he whakaaetanga, me kawea e koe i roto i te rua tau.

Kei te Kaunihera te maha o ngā pukaiti kei te wātea atu ki te whakamārama i ngā utu, ngā momo tono, me pēhea te tuku mai, ā, ka taea ēnei te tiki atu i te Kapa Tuku Whakaae mā te waea i te nama waea **570 6666**.

Ngā Tono Whakatika

Kei te kaha tonu te Kaunihera o Awakairangi Tāone ki te whakapai ake i ōna ratonga me ōna whakaurunga i ngā wā katoa, ā, kua whakangāwaritia atu e mātou te huarahi mōu ki te tuku whakaaro mai. Mā ngā puka Tono Whakatika (Fix-a-gram) e taea ai e koe te tuku tono ki tētahi ratonga kaunihera, te kōrero atu ki te kaunihera mō tētahi raruraru kore kaikā, te whakatakoto amuamu, te whakamihī mai rānei ki a mātou. Kia kua ngā puka Tono Whakatika nei e whakamahia ki te kōrero mai mō ngā kōruarua o tētahi huarahi, mō ngā manga ranei kua punitia nōtemea, ki a mātou nei ehara ērā mea i te take kaikā.

Me waea kēngia atu ngā take kaikā ki te Pokapū Waea Kiritaki i runga i te nama waea 570 6666. Ka taea ngā Tono Whakatika te tiki atu i te Pokapū Ratonga Kiritaki i te Whare Kaunihera, i tētahi whare pukapuka, pokapū ratonga, mā te waea atu rānei ki te Pokapū Ratonga Kiritaki. Mēnā he putanga atu tōu ki te ipurangi, ka taea e koe tētahi Tono Whakatika i runga i te pae tukutuku a te Kaunihera – **www.huttcity.info** – te whakakī me te karere rorohiko mai ki a mātou, kia whakaotia ai.